

爲甚因緣當路臥往來人誹謗在生昧昧了真修道迴卻休

定風波 贈馬鉉

萬萬人中這箇人忽然自悟說良因恰似白蓮花一朶尖新泥  
沙脫了出迷津 邀住清明開嫩臉朗竅明月作毗隣住向空  
中騰馥郁靈真此回占得四時春

空裏追聲枉了賢水中捉月事同然隔靴抓癢越孜煎 紐石  
作絃何日撫鑽木待火幾時然恰如搬地覓尋天

耕熟晶陽一段田九還七返五光全清清淨淨顯新鮮 物外  
閑人雲外客虛中真性洞中仙晴空來往步金蓮

道藏輯要

重陽全真集

六 中胃集一

浮世都憐假合身勸人認取裏頭人本來面目好相親 返照  
迴光知去處逍遙自在樂天真銳然穎脫出囂塵

江梅引

甯海范明叔邀飯覽月桂花

凌晨靜至樂倍倚欄隈靚奇材正是蟾宮餘影世間來遂得晴  
空甘露力潤根芽發修條偉又瑰 能綻粉苞加紅艷按周天  
四序開藥撒黃金騰馥郁道眼堪猜豈許仙姿陸地混塵埃呼  
取好風同引去上瑤臺復靈根月裏栽

金雞叫

甯海軍結金蓮社

社結金蓮都不曉金盤獻七珠明了金陵河裏知多少要現金  
光須得金匙攪 牽過般般窈窕金風內好香籠罩金枝玉葉同

成俏喚出金翁便做金雞叫

又警劉公

識得希夷方見妙自然是無煩無惱妻男孫女長繚繞愛獄恩  
山把身軀緊縛抓 若要玲瓏於己俏把慧刀快磨頻挑萬筋  
鐵索都碎了奉報劉公省悟我金雞叫

感皇恩

丁亥年十月初一日先生要化馬銍故鎖門百日  
欲令銍見家風而肯從

百日鎖庵門擒顛縛傻閑閑澄申靜養真假箇人歎問直恁如  
斯瀟灑我咱知得也誠清雅 別有一般分明好畫頻頻親擎  
出暫懸掛那滿要看萬斛珍珠酬價恁時傳說下些兒話

瑞鷓鴣

道藏輯要

重陽全真集

七

中胃集一

長春景致等長年不夜鄉中永不眠自在從容除我想逍遙來  
往有誰權唯知物外渾無物獨看天中別有天五彩霞光長作  
伴金花圍繞大羅天

修行莫鍊外容紅只要當中起赤心從此能生木上火自然養  
就水中金瑤芳寶樹同相守玉葉瓊枝共厮侵休去他方尋伴  
侶箇中真箇是知音

修行孰是鍊金丹鍊就方知兩事全七返不容開四戶九還應  
是轉三田氣神交結爲珍寶靈性分明作大仙今日卻歸元本  
路自然清淨永恬然

惜黃花